

## Kvikmyndin Fúsi eftir Dag Kára Pétursson tilnefnd til Kvikmyndaverðlauna Norðurlandaráðs í ár Verðlaunin afhent í Reykjavík að þessu sinni

Hér með er tilkynnt um kvikmyndirnar fimm sem eru tilnefndar til hinna eftirsóttu Kvikmyndaverðlauna Norðurlandaráðs, sem að þessu sinni verða afhent 27. október í Hörpu. Allar eru kvikmyndirnar sem tilnefndar eru framúrskarandi í alþjóðlegu samhengi og hafa unnið til verðlauna á kvikmyndahátíðum um allan heim.

Á síðasta ári bar mynd Benedikts Erlingssonar, *Hross í oss*, sigur úr býtum eins og flestir muna, en þess má geta að sigurvegari Kvikmyndaverðlauna Norðurlandaráðs hlýtur að launum 350.000 danskar krónur, eða um 7.5 milljónir íslenskra króna. Verðlaunamyndin þarf að vera runnin undan rifjum Norrænnar menningar og af miklum listrænum gæðum. Hún á einnig að vera framúrskarandi hvað varðar listrænan frumleika og flétta saman á fágðan máta undirstöðuatriðum kvikmyndalistarinnar svo úr verði sannfærandi heild. Að mati dómnefnda hafa þær fimm myndir sem tilnefndar eru að þessu sinni til Kvikmyndaverðlauna Norðurlandaráðs einmitt þessa kosti til að bera, en myndirnar fimm eru:

**Stille hjerte** (Danmörk): *Leikstjóri* Bille August, *handritshöfundur* Christian Torpe og *framleiðandi* Jesper Morthorst

**He ovat paenneet (Þau hafa flúið)** (Finnland): *Leikstjóri* J-P Valkeapää, *handritshöfundur* Pilvi Peltola og *framleiðandi* Aleksi Bardy

**Fúsi** (Ísland): *Leikstjóri/handritshöfundur* Dagur Kári Pétursson og *framleiðendur* Baltasar Kormákur og Agnes Johansen

**Mot naturen** (Noregur): *Leikstjóri/handritshöfundur* Ole Giæver og *framleiðandi* Maria Ekerhovd

**Gentlemen** (Svíþjóð): *Leikstjóri* Mikael Marcimain, *handritshöfundur* Klas Östergren og *framleiðandi* Fredrik Heinig

### Íslenska dómnefndin

Í íslensku dómnefndinni sátu Kristín Jóhannesdóttir, Björn Ægir Norðfjörð og Auður Ava Ólafsdóttir. Þau rökstyðja val sitt með eftirfarandi orðum: „*Fúsi* eftir Dag Kára Pétursson er hjartnæm þroskasaga af ljúfum risa. Hér er á ferðinni mannleg saga þar sem innri átökum og óhefðbundnum þokka er lýst með meistaralegum blæbrigðum. Táknrænt samspil hins stóra og þess smáa miðlar algildum stefnum á borð við gæsku, gjafmildi og mannlega reisn.“

### Verðlaunin verða veitt í Reykjavík í ár

Úrslit verða tilkynnt opinberlega þriðjudaginn 27. október í Hörpu og verður það í 12. sinn sem verðlaunin verða veitt. Eins og fram hefur komið hlaut kvikmyndin *Hross í oss* verðlaunin í fyrra. Árið áður vann mynd Thomasar Vinterberg, *Jagten*. Fyrri ár unnu myndirnar *Play* (2012), *Beyond* (2011), *Submarino* (2010), *Antichrist* (2009), *You, The Living* (2008), *The Art of Crying* (2007), *Zozo* (2006), *Manslaughter* (2005) and *The Man Without A Past* (2002).

### **Kvikmyndaviðburður í Háskólabíói**

Íslendingar fá tækifæri til þess að sjá allar þessar frábæru myndir sem tilnefndar eru í ár, því Græna ljósið stendur fyrir Norrænni kvikmyndaveislu í Háskólabíói dagana 23. – 27. október þar sem allar fimm myndirnar verða sýndar.

Hér má lesa frekar um Kvikmyndaverðlaun Norðurlandaráðs og horfa á stiklur úr kvikmyndunum sem eru tilnefndar:

[www.nordiccouncilfilmprize.com](http://www.nordiccouncilfilmprize.com)

[www.nordiskfilmogtvfond.com](http://www.nordiskfilmogtvfond.com)

[www.norden.org](http://www.norden.org)

<https://www.facebook.com/nordiccouncilfilmprize>

### **Tengiliður fjölmiðla:**

Ísleifur B. Þórhallsson, Græna ljósið, sími 591-5100 / [isi@greenlightfilms.is](mailto:isi@greenlightfilms.is)